

清·方略館 編

清代 方略 全書

北京圖書館出版社



清代方略全書

一三

清、方略館 編

北京圖書館出版社

清·來保等撰

平定金川方略

卷一六——三二

清朱絲欄抄本

平定金川方略卷十六

十一月辛酉

上命軍機大臣等傳諭班第兆惠曰軍營糧務最關緊要從

前辦理運餉尚無貽誤現今增調滿漢官兵三萬五千八百之原撥在營官兵
及隨役人等數幾十萬以每人每日支給八合八勺計之加以輓運人夫口食
一月所需已為浩繁況大臣按起前進來春二月到齊即須陸續按日支給縱
使奏捷迅速亦應預為寬籌儲備計班第兆惠目下甫聞增調之信之一面速
行籌畫撥運一面將作何辦理及商運情形詳細奏聞伊等須親身往來查察
務期兵糧充足以壯士氣又 命傅瀚經略大學士傅恒曰鄂容安奏稱陝

省料理官兵起程費用又數咨撥河南庫銀二十萬兩解陝備用現在調撥漢兵共計八千一百名實為精銳勁旅一可當百且抵川迅速足効臂指之使倚以成功而從前軍營陝甘之兵不甚得力大學士在京時亦曾面奏欲至軍營酌量如可不用陝兵即一面停其調撥朕思該省既經奉文調發必已按營撥派給發軍裝一切經理所費實繁其係經略大學士到營方行文停調不若於經略大學士經過之時觀看大概如不過尋常綠旗充數之兵非能出色精壯即時竟行停止于事為便即湖廣之兵亦應一并酌量多調雲貴二省已足敷用^建勦之用蓋兵在精不在多無用之兵多人適足為累耳目今經略大學士

按站前進當此嚴寒短晷衝冰雪冒風霜竄心勞苦在經畧大學士為朕心誠
立功氣壯自不知身之勞勩而朕心深為不忍不能暫釋於懷惟望遲奏捷音
以愜懸企經畧大學士善體朕意切勿過勞愛養精力以為抵禦辦事之用則
善矣此時乘騎星速以示獎士卒同甘苦實屬可嘉至奏凱言旋雖心切瞻仰
朕躬然定當肩輿就道稍為休息其侍班第兆惠速備軍糧之旨一并抄寄
經畧大學士知之正等謹按君臣上下之際相臨以分而相夾以情古者堂
廉道契恩誼交厚於遣使尤惓惓致意焉雅有皇華四牡以勞使臣而東山之
作采芑之章則又皆述征伐之苦恠行役之勞曲體其心之所欲言而代為之

言其纏綿悱惻之意實有深入人之寢寐者是以上下交而其志同也我

皇上於經略大學士傅恆禮遇既隆 慈意尤備千里倍 命諄復周詳

藹然不啻家人父子之相告語泰交之勝誠足以繼往古而式來茲矣是日

軍机大臣等奏言派往金川之船廠黑龍江兵丁到京欽奉 諭旨 皇

上親賜筵宴 臣伏念此二省官兵三千名以五百名為一起進發計共六起若

每次俱蒙 皇上親臨賜宴不免煩勞而伊等心中必極切不安以臣等愚

見請 皇上不必親臨賜宴容臣來保同辦理筵宴之大臣等俟船廠黑龍

江兵丁到京次日至 豐澤園 賜宴頒賞即令於次日起程 皇上出

宮或於瀛臺或於永安寺回蹕之時臣等率領官兵等道旁排跪俾得瞻仰

天顏叩謝

天恩倘蒙

俞允臣等行知各處遵行

諭曰朕所御

蒙古帳房照常預備朕若在瀛臺回蹕令官兵在路旁瞻仰士戍上命

軍机大臣等傳諭經略大學士傅恆曰今日接到經略大學士傅恆奏摺係初

九日已刻在榆次縣鳴謙驛拜發必係初八日已至鳴謙驛連夜辦理定稿者

前曾降旨令經畧大學士途次務須愛惜精神仔細肩重任毋得過勞茲又徹夜

辦理實覺太勞大學士其善体朕心務自愛養嗣後辦理奏覆事件辦至初更

時候尚可若須至二更即當俟下站奏覆不必過速以致勞頓並令達爾黨阿

等知之是日 上又命軍机大臣等傳諭署巡撫班第布政使高越曰現在調遣京城滿兵及東三省官兵前往金川軍營現在料理馬匹安設臺站諸事俱在各督撫親身查辦陸續奏聞其自西安四川之神宣驛已據該撫陳弘謀等奏明辦理妥協而自神宣驛以至成都自成都以至軍前係四川地方官應行辦理之事近日不知如何料理是吾妥協未據班第奏到即或班第尚在軍前高越接到軍機處文檄業已辦有就緒因須詳稟班第以致往返稽遲高越亦應將原由呈明軍机處或竟行奏聞司下所派兵丁定為五百名一起較之前派三百名人數增多四川境內道路狹隘崎嶇人馬艱於行走若不預為料理

必至臨期遲悞可傳諭班第高越令其一面速為查辦一面馳摺具奏如或視為尋常稍滯軍行各有所歸

甲子經略大學士傅恒奏言

臣於初九日巳時

抵山西徐溝縣地方接到

諭旨伏蒙

聖主深恩恐

臣途次過於勞瘁

宜加意愛惜並聽達爾達阿等之言伏念臣自良鄉起程以來雖日行二百里

皆可早至住宿之地即有應辦之事不過辦理一二時刻現值隆冬長夜儘有

歇息之暇

臣自起程至今

臣身甚健並不覺勞且仰伏

聖主洪福一路天

氣晴暖未遇風雪所帶兵丁住宿處所

臣皆預為指定交與各該省預備若

照此行走甚為便利

臣若休中實在不能馳驅有意勉強不惟上煩

聖慮

臣心不安抑恐此身過勞遇事稍有貽誤臣竇滋懼至達爾覺阿等係蒙

聖主特恩隨臣前往之人伊等有所劾阻臣何敢不聽不特沿途有勸阻之處

臣當聽從即抵營之後或一時有思慮不及之處伊等之言亦必聽從斷不敢

自執已見上塵聖懷也奏如諭曰如此方是朕可釋懷矣是日經略

大學士傅恒入奏言將軍博第所奏西安兵丁二千名分爲二起於十一月初

三初五日起程臣查京兵每起五百名進發現在辦理驛馬已屬拮据若二十

兵丁分爲二起人數衆多驛馬斷不能辦給即使該兵各騎駐防所挂之馬無

須馳驛然途次打尖住宿計算程途當與京兵相值亦多未便臣已行文該將

軍巡撫將京兵及西安兵丁行走之處酌量或令稍前稍後總期不至擁擠一處致有遲滯囑其加意辦理并行文成都副都統令將成都滿兵料理行裝完畢即催起程又奉 上諭西安城都兵三十名並京兵二十名計籌可冀速

奏膚功據羅卜藏奏稱進兵之稍待黑龍江兵丁為要伊係經事之人此處亦當知之臣伏思行兵之道貴乎神速机不可失若有可以進取之机因兵未到齊不將現有之兵調遣進攻則為徒糜糧餉坐失机宜船廠黑龍江兵丁未到之前縱不能深入賊巢而相機攻擊其外或不时侵擾搖動使之不得休息俟大兵一到剿滅亦易矣按之不可欲速亦不可必俟兵丁到齊方進容臣抵軍

營後詳加審度彼地情形來机辦理奏入

諭曰甚是實懷朕意是日

上又命軍机大臣等傳諭經畧大學士傅恒曰黑龍江副都統黑雅圖奏稱打牲索倫等處兵丁人甚壯健鎗箭敏捷慣走山林頗耐勞苦但一時乏糧每有竊取牛羊以食用之事性喜飲酒不知礼節約束稍費心若能服其心臨戰甚屬得力且伊等行路甚屬簡便曠野之地掃木為棚隨便即可栖止黑雅圖所奏深知彼地兵丁情性可傳諭經畧大學士知之

丙寅

上又命軍机

大臣等傳諭經畧大學士傅恒曰汪札爾著前往金川軍營查看一路驛站伊抵營後四五日其時一切佈

置大局已定其卡硯路徑著領汪札爾隨便觀看此際滿兵或有交鋒克捷之事亦令伊目覩一二次回京面奏自能明晰經略大學士抵營宣布恩諭賞賚兵丁軍心如何感激鼓舞將弁士卒用命不用命者經略大學士整頓賞罰軍心如何奮勉自新大學士到後傳爾丹等情形何似汪札爾還朝俱可一一面陳統計往返程途及在營留住數日明歲二月初間即可到京朕得億恙營大概矣將此傳諭經略大學士知之丁卯上命軍機大臣等傳諭經略大學士傅恒曰盛京副都統哲庫諾來京奏稱伊起程來京時據盛京兵丁等泣訴我等奉派出師今若不令前往實覺愜忿奉派兵丁一千名至今尚未散

回恭候諭旨朕心甚為軫念欣悅可見我滿兵心誠氣壯勇往向前必能使膚
功速奏較之綠旗兵丁不啻天壤若不往前往伊等實懷羞憤且伊等起程所
廢無幾不過將雲貴等處綠旗兵丁酌減萬餘可耳是日行令阿蘭泰將此項
兵丁一千名作速令其起程于十二月初六日到京可令經略大學士知也是
日 上又命傳諭曰盛京兵丁已代行派往從前魯降旨令將伊等馬匹協
濟船廠黑龍江兵丁今則恐有不敷矣已令軍機大臣等定議如伊等騎用之
外尚有餘剩馬匹情願協濟兩省兵丁則准其協濟以盡伊等報効之心如屬
不敷則料爾沁大凌河山海關俱已預備馬匹即著停其協濟其盛京兵丁到

大凌河山海關時所騎馬匹如有疲乏交與哈達哈那木札爾令其酌量換給
換下馬匹歇息餵養以脩別起矣丁補換之用並傳諭札爾若途中遇見智三
四十八即催令速抵軍營京城未起程矣丁已交各領兵大臣令其迅速前行
一併傳諭經略大學士知也是日 上諭內閣曰統領盛京兵一千名著化

派副都統哲庫諾黑龍江前起兵一千名仍著博洛納統領後起一千名著副
都統黑龍圖統領是日 上又命軍機大臣等傳諭經略大學士傅恒曰據

湖廣總督新桂奏稱現在調撥南北兩省官兵酌派將弁統領於十二月內起
程另摺又稱該省兵丁弓箭架勢雖有可觀而弓力率多虛報如報八力之弓

竇止六七力其馬匹係就應購買川黔所產並各駒赴口買回挑刺之馬觀此情形則楚省兵力又屬尋常從前傅爾丹等請調楚兵蓋因軍中紀律廢弛士氣委靡不振不得已而為此請如貧家窘迫之時莫得鎗銖聊以壯觀一時無暇更求資濟耳今滿兵已調集九千餘人饒勇敢戰一可當百而雲貴官兵似較楚兵為勝即此已可用以奏功若徒以疲弱充數虛糜糧餉究何裨益新柱所奏現交軍機大臣等議令照數預脩勿遽起程候經略大學士到川酌量是否需用以定行止如尚須調遣於文到日即令星馳前往如可不用即一面行文停止至原派將弁皆係記名可用之人現在軍前各弁戴罪者多且日久疲玩